

中阿含經

第三十一

二百六十三  
溫一

49382



中阿含經卷第三十一

東晉罽賓三藏瞿曇僧伽提婆譯

大品賴吒和羅經第十六 第三念誦

我聞如是一時佛遊拘樓瘦與大比丘眾俱  
往至鋤蘆吒住鋤蘆吒村北尸攝和園中  
時鋤蘆吒梵志居士聞沙門瞿曇釋種子捨

釋宗族出家學道遊拘樓瘦與大比丘眾俱  
來至此鋤蘆吒住鋤蘆吒村北尸攝和園中  
彼沙門瞿曇有大名稱周聞十方沙門瞿曇  
如來無所著等正覺明行成爲善逝世間解  
無上士道法御天人師号佛眾祐彼於此世  
天及魔梵沙門梵志從人至天自知自覺自



作證成就遊彼若說法初妙中妙竟亦妙有  
義有文具足清淨顯現梵行若見如來無所  
著等正覺尊重禮拜供養承事者快得善利  
我等應共往見沙門瞿曇禮拜供養鋤蘆吒  
梵志居士聞已各與等類眷屬相隨從鋤蘆  
吒出北行至尸攝和園欲見世尊禮拜供養  
往詣佛已從鋤蘆吒梵志居士或稽首佛足  
却坐一面或問訊佛却坐一面或叉手向佛  
却坐一面或遙見佛已默然而坐彼時鋤蘆  
吒梵志居士各坐已定佛爲說法勸發渴仰  
成就歡喜無量方便爲彼說法勸發渴仰成  
就歡喜已默然而住時鋤蘆吒梵志居士佛

爲說法勸發渴仰成就歡喜已各從坐起瞽  
首佛足繞佛三匝而去彼時賴吒和羅居士子  
故坐不起於是賴吒和羅居士子鋤蘆吒梵  
志居士去後不久即從坐起偏袒著衣叉手  
向佛白曰世尊如我知佛所說法者若我在  
家爲鎖所鎖不得盡形壽清淨行梵行世尊  
願我得從世尊出家學道而受具足得作比  
丘淨修梵行世尊問曰居士子父母聽汝於  
正法律中至信捨家無家學道耶賴吒和羅  
居士子白曰世尊父母未聽我於正法律中  
至信捨家無家學道世尊告曰居士子若父  
母不聽汝於正法律中至信捨家無家學道

者我不得度汝出家學道亦不得授具足賴  
吒和羅居士子白曰世尊我當方便從父母  
求必令聽我於正法律中至信捨家無家學  
道世尊告曰居士子隨汝所欲於是賴吒和  
羅居士子聞佛所說善受善持誓首佛足繞  
三匝還歸白曰二尊如我知佛所說法者若  
我在家爲鎖所鎖不得盡形壽清淨行梵行  
唯願二尊聽我於正法律中至信捨家無家  
學道賴吒和羅父母告曰賴吒和羅我今唯  
有汝一子極愛憐念意常愛樂見無厭足若  
汝命終我尚不欲相棄捨也況生別離不見  
汝耶賴吒和羅居士子復至再三白曰二尊

如我知佛所說法者若我在家為鎖所鎖不  
得盡形壽清淨行梵行唯願二尊聽我於正  
法律中至信捨家無家學道賴吒和羅居士  
子父母亦至再三告曰賴吒和羅我今唯有  
汝一子極愛憐念意常愛樂見無厭足若汝  
命終我尚不欲相棄捨也況生別離不見汝  
耶於是賴吒和羅居士子即時卧地從今不  
起不飲不食乃至父母聽我於正法律中至  
信捨家無家學道於是賴吒和羅居士子一  
日不食至二三四多日不食於是賴吒和羅  
居士子父母往至子所告曰賴吒和羅汝至  
采灸身體極好常坐卧好床汝今不知苦耶

賴吒和羅汝可速起行欲布施快修福業所以者何賴吒和羅卅尊境界甚難甚難出家學道亦復甚難今時賴吒和羅居士子默然不答於是賴吒和羅居士子父母至賴吒和羅所勸令從地起賴吒和羅居士子親親及諸臣等即便共至賴吒和羅所語曰賴吒和羅汝至柔熒身體極好常坐卧好床汝今不知苦耶賴吒和羅汝可速起行欲布施快修福業所以者何卅尊境界甚難甚難出家學道亦復甚難彼時賴吒和羅居士子默然不答於是賴吒和羅居士子父母至賴



吒和羅居士子善知識同伴同時所作是  
語汝等共來至賴吒和羅所勸令從地起於  
是賴吒和羅居士子善知識同伴同時即共  
往詣賴吒和羅居士子所而作是語賴吒和  
羅汝至柔奕身體極好常坐卧好牀汝今不  
知苦耶賴吒和羅汝可速起行欲布施快修  
福業所以者何賴吒和羅出世尊境界甚難甚  
難出家學道亦復甚難彼時賴吒和羅居士  
子默然不答於是賴吒和羅居士子善知識  
同伴同時往至賴吒和羅居士子父母所作  
如是語可聽賴吒和羅於正法律中至信捨  
家無家學道若其樂者於此生中故可相見  
若不樂者必自來還歸父母所今若不聽定  
死無疑當何所益於是賴吒和羅居士子父

若不樂者必自來還歸父母所今若不聽定  
死無疑當何所益於是賴吒和羅居士子父  
母聞已語賴吒和羅居士子善知識同伴同  
時曰我今聽賴吒和羅於正法律中至信捨  
家無家學道若學道來還故可見也賴吒和  
羅居士子善知識同伴同時即共往詣賴吒

和羅所便作是語居士子父母聽汝於正法  
律中至信捨家無家學道若學道已還見父  
母賴吒和羅居士子聞是語已便大歡喜生  
愛生樂從地而起漸養其身身平復已從  
蘆吒出往詣佛所稽首佛足白曰世尊父母  
聽我於正法律中至信捨家無家學道唯願

世尊聽從世尊出家學道而受具足得作比丘於是世尊度賴吒和羅居士子出家學道授其具足授具足已於鑰蘆吒隨住數時於後則便攝衣持鉢遊行展轉往至舍衛國住勝林給孤獨園尊者賴吒和羅出家學道受具足已在遠離住心無放逸修行精懃彼在遠離獨住心無放逸修行精懃已族姓子所為剃除鬚髮著袈裟衣至信捨家無家學道者唯無上梵行訖於現法中自知自覺自作證成就遊生已盡梵行已立所作已辦不更受有知如真尊者賴吒和羅知法已至得阿羅訶於是尊者賴吒和羅得阿羅訶已後

或九年十年而作是念我本已許出家學道  
還見父母我今寧可還赴本要於是尊者賴  
吒和羅往詣佛所誓首佛足却坐一面白曰  
世尊我本有要出家學道已還見父母世尊  
我今辭行往見父母赴其本要尔時世尊便  
作是念此賴吒和羅族姓子若使捨戒罷道  
行欲如本者必無是處世尊知已告曰汝去  
未度者度未解脫者令得解脫未滅訖者令  
得滅訖賴吒和羅今隨汝意彼時尊者賴吒  
和羅聞佛所說善受善持即從坐起誓首佛  
足繞三匝而去至已房中收舉卧具著衣持  
鉢遊行展轉往至鋤蘆吒住鋤蘆吒村北尸

攝和園於是尊者賴吒和羅過夜平旦著衣  
持鉢入鋤蘆吒而行乞食尊者賴吒和羅作  
如是念世尊稱嘆次第乞食我今寧可於此  
鋤蘆吒次第乞食尊者賴吒和羅便於鋤蘆  
吒次第乞食展轉至本家彼時尊者賴吒和  
羅父在中門住修理鬚髮尊者賴吒和羅父  
遙見尊者賴吒和羅來便作是語此秃沙門  
爲黑所縛斷種無子破壞我家我有一子極  
愛憐念意常忍樂見無厭足彼將去度當莫  
與食尊者賴吒和羅自於父家不得布施但  
得責斲此秃沙門爲黑所縛斷種無子破壞  
我家我有一子極愛憐念意常忍樂見無厭

足彼將去度當莫與食尊者賴吒和羅知已  
便速出去彼時尊者賴吒和羅父家婢使以  
箕盛臭爛飲食欲棄著真聚中尊者賴吒和  
羅見父婢使以箕盛臭爛飲食欲棄著真聚  
中便作是語汝妹若此臭爛飲食法應棄者  
可著我鉢中我當食之彼時尊者賴吒和羅  
父家婢使以箕中臭爛飲食寫著鉢中寫著  
鉢中時取其二相識其音聲及其手足取二  
相已即往至尊者賴吒和羅父所而作是語  
尊今當知尊子賴吒和羅還來至此踰蘆吒  
可往見之尊者賴吒和羅父聞已大歡喜踊  
躍左手攝衣右手摩拔鬚髮疾往詣尊者賴

吒和羅所彼時尊者賴吒和羅向壁食此臭爛食尊者賴吒和羅父見尊者賴吒和羅向壁食此臭爛食作如是說汝賴吒和羅汝至柔奕身體極好常食好食賴吒和羅汝云何乃食此臭爛食耶賴吒和羅汝以何意來此偷蘆吒而不能還至父母家耶尊者賴吒和

羅白曰居士我入父家不得布施但得責數此秃沙門為黑所縛斷種無子破壞我家我唯有一子至愛憐念意常愛樂見無厭足彼將去度當莫與食我聞此已便速出去尊者賴吒和羅父即辭謝曰賴吒和羅可忍賴吒和羅可忍我實不知賴吒和羅還入父家於

是尊者賴吒和羅父敬心扶抱尊者賴吒和羅將入於內敷座令坐尊者賴吒和羅即便就坐於是其父見尊者賴吒和羅坐已往至婦所而作是語卿今當知賴吒和羅族姓子今來還家可速辦飲食尊者賴吒和羅母聞已大歡喜踊躍速辦飲食已疾輦錢出著中庭地聚作大積彼大錢積一面立人一面坐人各不相見作大錢積已往詣尊者賴吒和羅所作如是語賴吒和羅是汝母分所有錢財汝父錢財無量百千不可復計今盡付汝賴吒和羅汝可捨戒罷道行欲布施快修福業所以者何世尊境界甚難甚難出



家學道亦復甚難尊者賴吒和羅白其母曰  
我今欲有所說能見聽不尊者賴吒和羅母  
語曰居士子汝有所說我當聽之尊者賴吒  
和羅白其母曰當作新布囊用盛滿錢以車  
載之至恒伽江寫著深處所以者何因此錢  
故令人憂苦愁感啼哭不得快樂於是尊者  
賴吒和羅母而作是念以此方便不能令子  
賴吒和羅捨戒罷道我寧可至其本婦所作  
如是語諸新婦等汝可以先所著纓珞嚴飾  
其身賴吒和羅族姓子本在家時極所愛念  
以此瓔珞速嚴身已汝等共往至賴吒和羅  
族姓子所各抱一足而作是說不審賢郎有何

天女勝於我者而令賢郎捨我爲彼修梵行  
耶於是其母即至尊者賴吒和羅其本婦所  
作如是語諸新婦等汝可以先所著瓔珞嚴  
飾其身賴吒和羅族姓子本在家時極所愛  
念以此瓔珞速嚴身已汝等共往至賴吒和  
羅族姓子所各抱一足而作是說不審賢郎  
有何天女勝於我者而令賢郎捨我爲彼修  
梵行耶彼時尊者賴吒和羅其本婦等即各  
以先所著瓔珞嚴飾其身尊者賴吒和羅本  
在家時極所愛念以此瓔珞嚴飾身已往詣  
尊者賴吒和羅所各抱一足而作是說不審  
賢郎有何天女勝於我者而令賢郎捨我爲

彼修梵行耶尊者賴吒和羅語本婦曰諸妹  
當知我不爲天女故修於梵行所爲修梵行  
者彼義已得佛教所作今已成辦尊者賴吒  
和羅諸婦等却住一面啼泣垂淚而作是語  
我非賢郎妹然賢郎喚我爲妹於是尊者賴  
吒和羅迴還顧視白父母曰居士若施食者  
便以時施何爲相媿尔時父母即從坐起自  
行澡水以上味餽饌種種豐饒食噉含消手  
自斟酌極令飽滿食訖收器行澡水竟取一  
小牀別坐聽法尊者賴吒和羅爲父母說法  
勸發渴仰成就歡喜無量方便爲彼說法勸  
發渴仰成就歡喜已即從坐起立說頌曰

觀此嚴飾形

珍寶瓔珞等

右槃紫其駿

紺黛畫眉目

此欺愚癡人

不任度彼岸

以眾好綵色

莊嚴臭穢身

此欺愚癡人

不誑度彼岸

眾香遍塗體

雌黃黃其足

此欺愚癡人

不任度彼岸

身服淨妙好

莊嚴猶幻化

此欺愚癡人

不任度彼岸

斷絕鹿銜繩

及破壞鹿門

我捨離餌去

誰樂於鹿縛

尊者賴吒和羅說此頌已以如意足乘虛而

去至鋤蘆吒林入彼林中於鞞醯勒樹下敷

且師壇結跏趺坐尔時拘牟婆王及諸群臣

前後圍繞坐於正殿咨嗟稱嘆尊者賴吒和

羅若我聞賴吒和羅族姓子來此  
鑰蘆吒者我必往見於是拘牢婆王告獵師曰汝去按  
行鑰蘆吒林我欲出獵獵師受教即便按行  
鑰蘆吒林於是獵師按行鑰蘆吒林見尊者  
賴吒和羅在鞞醯勒樹下敷座師壇結跏趺  
坐便作是念所爲拘牢婆王及諸群臣共坐  
正殿咨嗟稱歎者今已在此尔時獵師按行  
鑰蘆吒林已還詣拘牢婆王所白曰天王當  
知我已案行鑰蘆吒林隨天王意天王本所  
爲與諸群臣共坐正殿咨嗟稱歎尊者賴吒  
和羅若我聞賴吒和羅族姓子來此鑰蘆吒  
林者我必往見尊者賴吒和羅族姓子今在

鍤蘆吒林中鞞醯勒樹下敷居師壇結跏趺  
坐天王欲見者便可往也拘牢婆王聞已告  
御者曰汝速嚴駕我今欲往見賴吒和羅御  
者受教即速嚴駕訖還白曰天王當知嚴駕  
已辦隨天王意於是拘牢婆王即乘車出往  
至鍤蘆吒林遙見尊者賴吒和羅即便下車  
步進往至尊者賴吒和羅所尊者賴吒和羅  
見拘牢婆王來而作是說大王今來欲自坐  
耶拘牢婆王曰今我雖到自己境界然我意  
欲令賴吒和羅族姓子請我令坐尊者賴吒  
和羅即請拘牢婆王曰今有別座大王可坐  
於是拘牢婆王與尊者賴吒和羅共相問訊

却坐一面語賴吒和羅若爲家裏故出家學  
道耶若爲無財物故行學道者賴吒和羅拘  
牢婆王家多有財物我出財物與賴吒和羅  
勸賴吒和羅捨戒罷道行欲布施快修福業  
所以者何賴吒和羅師教甚難出家學道亦  
復甚難尊者賴吒和羅聞已語曰大王今以  
不淨請我非清淨請拘牢婆王聞已問曰我  
當云何以清淨請賴吒和羅非以不淨耶尊  
者賴吒和羅語曰大王應如是語賴吒和羅  
我國人民安隱快樂無恐怖無鬪諍亦無棘  
刺無苦使役米穀豐饒乞食易得賴吒和羅  
住我國中我當護如法大王如是以淨請我

非以不淨拘牽婆王聞已語曰我今以淨請  
賴吒和羅非以不淨我國人民安隱快樂無  
恐怖無鬪諍亦無棘刺無苦使役米穀豐饒  
乞食易得賴吒和羅住我國中我當護如法  
復次賴吒和羅有四種衰謂衰故剃除鬚  
髮著袈裟衣至信捨家無家學道云何爲四  
病衰老衰財衰親衰賴吒和羅云何病衰或  
有一人長病疾患極重甚苦我念我長  
病疾患極重甚苦我實有欲不能行欲我今  
寧可剃除鬚髮著袈裟衣至信捨家無家學  
道彼於後時以病衰故剃除鬚髮著袈裟衣  
至信捨家無家學道是爲病衰賴吒和羅云



何老衰或有一人年耆根熟壽過垂訖彼作  
是念我年耆根熟壽過垂訖我實有欲不能  
行欲我今寧可剃除鬚髮著袈裟衣至信捨  
家無家學道彼於後時以老衰故剃除鬚髮  
著袈裟衣至信捨家無家學道是謂老衰賴  
吒和羅云何財衰或有一人貧窮無力彼作

是念我貧窮無力我今寧可剃除鬚髮著袈  
裟衣至信捨家無家學道彼於後時以財衰  
故剃除鬚髮著袈裟衣至信捨家無家學道  
是謂財衰賴吒和羅云何親衰或有一人親里  
斷種死亡沒盡彼作是念我親里斷種死亡  
沒盡我今寧可剃除鬚髮著袈裟衣至信捨

家無家學道彼於後時以親衰故剃除鬚髮  
著袈裟衣至信捨家無家學道是謂親衰賴  
吒和羅昔時無病安隱成就平等食道不令  
不熱平正安樂順次不諍由是之故食噉含  
消安隱得化賴吒和羅非以病衰故剃除鬚  
髮著袈裟衣至信捨家無家學道賴吒和羅  
往昔之時年幼童子髮黑清淨身體盛壯亦  
時作倡伎樂極以自娛莊嚴其身常喜遊戲  
彼時親屬皆不欲使令其學道父母啼泣憂  
感懊惱亦不聽汝出家學道然汝剃除鬚髮  
著袈裟衣至信捨家無家學道賴吒和羅不  
以老衰故剃除鬚髮著袈裟衣至信捨家無

家學道賴吒和羅此鍤蘆吒第一家最大家  
最勝家最上家謂財物也賴吒和羅不以財  
衰故剃除鬚髮著袈裟衣至信捨家無家學  
道賴吒和羅此鍤蘆吒林間大豪親族親皆  
存在賴吒和羅不以親衰故剃除鬚髮著袈  
裟衣至信捨家無家學道賴吒和羅此四種  
衰或有衰者剃除鬚髮著袈裟衣至信捨家  
無家學道我見賴吒和羅都無此衰可使賴  
吒和羅剃除鬚髮著袈裟衣至信捨家無家  
學道賴吒和羅知見何等爲聞何等剃除鬚  
髮著袈裟衣至信捨家無家學道尊者賴吒  
和羅答曰大王卅尊知見如來無所著等正

覺爲說四事我欲忍樂是我知見聞是是故  
剝除鬚髮著袈裟衣至信捨家無家學道云  
何爲四大王此世無護無可依恃此世一切  
趣向老法此世非常要當捨去此世無滿無  
有馱足爲愛走使拘牢婆王問曰賴吒和羅  
屬之所說大王此世無護無可依恃賴吒和  
羅我十兒孫兄弟枝黨爲軍馬軍車軍步軍  
皆能射御嚴毅勇猛王子力士鉢羅蹉提摩  
訶能伽有占相有筮慮有計筭有善知書有  
善談論有君臣有眷屬持呪知呪彼隨諸方  
有恐怖者能制止之若賴吒和羅所說大王  
此世無護無可依恃賴吒和羅向所說此有

何義耶尊者賴吒和羅答曰大王我今問王  
隨所解答大王此身頗有病耶拘牢婆王答  
曰賴吒和羅今我此身常有風病尊者賴吒  
和羅問曰大王風病發時生極重甚苦者大  
王亦時可得語彼兒孫兄弟爲軍馬軍車軍  
步軍能皆射御嚴毅勇猛王子力士鉢羅蹇  
提摩訶能伽占相筮慮筭計知書善能談論  
君臣眷屬持呪知呪汝等共來暫代我受極  
重甚苦令我無病得安樂耶拘牢婆王答曰  
不也所以者何我自作業因業緣業獨受極  
苦甚重苦也尊者賴吒和羅語曰大王以是  
故世尊說此世無護無可依恃我欲忍樂是

我知見聞是是故剃除鬚髮著袈裟衣至信  
捨家無家學道拘牢婆王語曰若賴吒和羅  
所說大王此世無護無可依恃賴吒和羅我  
亦欲是忍樂於是所以者何此世真實無護  
無可依恃拘牢婆王復問曰若賴吒和羅所  
說大王此世一切趣向老法賴吒和羅向所  
說此復有何義尊者賴吒和羅答曰大王我  
今問王隨所解答若大王年或二十四或二  
十五者於意云何尔時速疾何如於今尔時  
筋力形體顏色何如於今拘牢婆王答曰賴  
吒和羅若我時年或二十四或二十五自憶  
尔時速疾筋力形體顏色無勝我者賴吒和

羅我今極老諸根衰熟壽過垂訖年滿八十  
不復能起尊者賴吒和羅語曰大王以是故  
世尊說此世一切趣向老法我欲忍樂是我  
知見聞是是故剃除鬚髮著袈裟衣至信捨  
家無家學道拘牢婆王語曰若賴吒和羅所  
說大王此世一切趣向老法我亦欲是忍樂  
於是所以者何此世真實一切趣向老法拘  
牢婆王復問曰若賴吒和羅所說大王此世  
無常要當捨去賴吒和羅向所說此復有何  
義尊者賴吒和羅語曰大王我今問王隨所  
解答大王有豐拘樓國及豐後宮豐倉庫耶  
拘牢婆王答曰如是尊者賴吒和羅復問曰

大王有豐拘樓國及豐後宮豐倉庫者若時  
有法來不可依忍樂破壞一切世無不歸死  
者尔時豐拘樓國及豐後宮豐倉庫者可得  
從此世持至後世耶拘牢婆王荅曰不也所  
以者何我獨無二亦無伴侶從此世至後世  
也尊者賴吒和羅語曰大王以是故世尊說  
此世無常要當捨去我欲忍樂是我知見聞  
是是故剃除鬚髮著袈裟衣至信捨家無家  
學道拘牢婆王語曰若賴吒和羅所說大王  
此世無常要當捨去者我亦欲是忍樂於是  
所以者何此世真實無常要當捨去拘牢婆  
王復問曰若賴吒和羅所說大王此世無滿



無有馱足爲愛走使賴吒和羅向所說此復  
有何義尊者賴吒和羅荅曰大王我今問王  
隨所解荅大王有豐拘樓國及豐後宮豐倉  
庫耶拘牢婆王荅曰如是尊者賴吒和羅復  
問曰大王有豐拘樓國及豐後宮豐倉庫者  
若於東方有一人來可信可任不欺誑出來  
語王言我從東方來見彼國土極大富樂多  
有人民大王可得彼國尔所財物人民力役  
欲得彼國整御之耶拘牢婆王荅曰賴吒和  
羅若我知有如是豐國尔所財物人民力役  
得彼人民整御治者我必取之如是南方西  
方北方從大海彼岸若有人來可信可任不

欺誑世來語王言我從大海彼岸來見彼國  
土極大富樂多有人民大王可得彼國尔所  
財物人民力役欲得彼國整御之耶拘牢婆  
王荅曰賴吒和羅若我知有如是豐國尔所  
財物人民力役得彼人民整御者我必取  
之尊者賴吒和羅語曰大王以是故世尊說  
此世無滿無有馱足爲愛走使我欲忍樂是  
我知見聞是是故剃除鬚髮著袈裟衣至信  
捨家無家學道拘牢婆王語曰若賴吒和羅  
所說大王此世無滿無有馱足爲愛走使我  
亦欲是忍樂於是所以者何此世真實無滿  
無有馱足爲愛走使尊者賴吒和羅語曰大

王世尊知見如來無所著等正覺為我說此  
四事我欲忍樂是我知見聞是是故剃除鬚  
髮著袈裟衣至信捨家無家學道於是尊者  
賴吒和羅說此頌曰

我見世間人  
慳貪積聚物

有財癡不施  
王者得天下

得財復更求  
整御隨其力

海內無厭足

復求於海外

王及諸人民

未離欲命盡

散髮妻子哭

嗚呼苦難伏

衣被而埋藏

或積薪火燒

緣行至後世

燒已無慧念

死後財不隨

妻子及奴婢

貧富俱共同

愚智亦復然

智者不懷憂

唯愚抱悵感

是故智慧勝

逮得正覺道

深著於有有

愚癡作惡行

於法非法行

以力強奪他

少智習効他

愚多作惡行

趣胎至後世

數數受生死

已受出生世

獨作眾惡事

如賊他所縛

自作惡所害

如是此眾生

至到於後世

為己所作業

自作惡所害

如菓熟自墮

老少亦如斯

欲莊美愛樂

心趣好惡色

為欲所縛害

因欲恐怖生

王我見此覺

知是沙門妙

尊者賴吒和羅所說如是拘牢婆王聞尊者

賴吒和羅所說歡喜奉行

賴吒和羅經第十六竟

第三念誦

中阿含經卷第三十一

温

瘦瘦

同二

鋤蘆

上音偷

村名

評訖

也音信

問

同

嘿默

音墨

二同

寂柔奕

作下正

本要

下音邀

約也

秃

無髮也

土各反

頭

責

嘷

下音箕盛

也上居其反

竹器

貯

臭

爛

下尺救反

且反

棄

字真董

字糞

摩技

下音成

拭也

反

輦

物也

正

作

捷

連

庭同積

子智反

聚也

一音

遠

弄

澡

水

下音

洗

也

筍饅

上戶交反

一食也

斟酌

上音

槃

紫

反下

紆

繞

也紺

古暗反

青

銜

強

上俱犬反

正

作

羅

綱

系

也餌

仍志反

以

鞞

醢

上步迷反

呼

拘

牢

下音

勞

作獵獾

良輒反

上

棘

刺

上居力反

賜

反

與

棘

年

耆

渠夷反

老

倡

伎

上音昌

娛

歡

下音

愚

依

恃

下音

市

賴

也

五

自

嚴毅

下魚既反嚴威也毅勇也

蹇提

上居偃反

策慮

上楚責反

竿

字筭

斲

字暫

筋力

上音斤

埋藏

皆上莫反

逮逮

非也

上

奪

徒活反

效効

胡教反

埋藏

皆上莫反

逮逮

中阿含經三十一卷

温



